

جيت ألبّي مثل ما لبّي حبيب او جون وياك
جيت ألبّي والأمل تقبل ني يا مولاي وياك
ما حضينا بنصرتك بعاشر محرم بس قلبنا يعتصر سيدي بالهم
من يجي محرم ننصب الماتم بموكب الاحزان نلطم الصدر
وما نوفي لك لوبكينادم ولو بألم وهموم نقضي هالعمر
عندي حاجة سيدي وادري اليقصدك ما ترده
مني تي اوصل ضريريك واذ رف الدمعات عنده
زاير القبرك إمامي ودي تقبلي ويه زوارك حبيبك خل يسجني
أوصل البابك والتم اعتابك واغسل ذنوبي بدمعة الالم
وتالي بالاحزان يم قمر عدنان حامل الراية وكافل الحرم

للشريعة نتجسه بالبوادي و اللطم
للي ضل يم النهر منه الكفوف مقطعة
للي فضخوا هامته وعينه صابوها بسهم
ليت لك فدوى تروح الناس كلها مصرعة
ونذكر وقوفك يا أبو النفس الأبية يم القمر وتصيح خوية انكسر ظهري
من بعد عينك يا الاخو منهو اليه وچن الوديعه تصيح خوية انهتك خدري
وصوب تل الزينبي نار حزني تستعر
واقصده بحسرة والبي آه يا أم الخدر
آه يا اعزيزة علي منهو متلش مبتلي
تنظرين لعزوتج على الغبرة تعقفر
ياعبة الاحزان لباش الغياري منهم باراضي كربلاء بالأم ونياح
ومنهم لاراضي الشام يا زينب تغنوا دون الحرم يا مخدرة يقدمون الأرواح

ابد ما تنسى نار الخيم لا ولا ننسى هتك الحرم
الچ من شيعتج وعد و قسم لجلكم هالارض تصبغها دم
شيعة ومنتظر لحظة الثار يوم الیظهر ابن الزچية
یظهر سيدي وبيده بتار ويهدم كل عروش آل أمية
الهي وسيدي بحق الحسين تعجل نصرة المستضعفين
تفرج يا الهي وتنتصر إلى شيعة أمير المؤمنين
عجل بالفرج مولاي عجل وعروش الظلم والكفر زلزل
بأيد الحجة وبايد الموالين بعدلك سيدي هالظلم بدل

طالع بليلى وماخذ اخواني وهلي بس تاركيني
 شالي صاير ولىش بويّة بهالسفر ما تحملوني
تدري ماني معودة إن أضل وحدي وتركوني بعّتي ولا احد عندي
 وياكم اخذوني لا تخلونني تدري لفراقك ما اقدر اتحمل
 لو تخلوا لي خوية عبدالله بلكي اتسلى وياه وما امل
 وصدت بعين يمم رقيّة والدمع بالخد سيال
 قعدي ويبي لا تروحي وتتركي بي بهاي الاحوال
يا اختي قولي لوالدي وياش ياخذني لو بروح لعمتي الما تخيني
 عمتي زينب تعلم بحالي دايم قبالي تداوي عّتي
 ما أظن تقبل عمتي ترحل بس اضل وحدي بلايا عيّتي

قال أبو اليمّة ارجعي
 انتي مو ظمن السبايا
 ما اشوفج بالسبي
 ولا تشوفيني ذبيح
 واما الطفل عبدالله يابنتي اعذريني
 لازم اشيله بكر بلا وقبال عيني
 ماهي سهلة سفرتي
 ما لچ حظ وسهم
 باچر يجي لچ خبر
 عسى قليج بس يا بنتي
 من يقبل محرم هلاله وتنظرينه
 وبيوم عاشر لو غدت حمرة السماوات
 و خففي من هالعتاب
 وينسلب منچ حجاب
 وي رقيّة و الرباب
 معفر بحر التراب
 ما اقدرا عوفه وادري بالحالة شديدة
 من حرمة يصيبه سهم يقطع وريده
 واتركچ يا مداللة
 وي ضحايا كربلاء
 بالأأمور مفصلة
 هالخبر يتحمّله
 تأملني بقلج وينيه تسمعيه
 يعني ابوج اعلى الترايب ذابحينه

وإذا طارش لفي وجاب الخبر
 ولا لا تجزعي لحكم القدر
 وبتجيكم يابنتي الوديعه
 ووصية بعد من تجيكم
 تجيكم بت علي متمرمة
 لأن تنظر باراضي كربلاء
 بتخبركم بمحنة الشام
 بهالسفرة شكتر قاست الام
 يا العزيزة تجلبي بثوب الصبر
 اوكلي للباري يا بنتي الأمر
 من سفرة سبي استقبلها
 خفوا امن اسألتكم عليها
 ومن كثر المحن متغيرة
 جئنا معفرة فوق الثرى
 ودخول المجالس سبية
 وبيجي لش خبر عن رقية

چنبي اسمع بين فاطم وياه ابنها همسة اوداع
تطلع بليلى وتترك قايبي يروحي اعليك مرتاع
كم شفت حزن أو كدر والالم والهيم بس عليه طلعتك يا الولد أعظم
طالع ابسفرة ماهي أي سفرة كربلاء قاصد وادري بالخبر
أنى لو بيدي امنعك لكن هذا أمر الله ونرضى بالقدر
ياابني اقصد والدك بأرض النجف لان الابو ضلال
سلم اعليه ومن بعد رب البرايا اشكي له الحال
قول إله يا با الحسن ابنك بشدة وانت كل من يقصدك لحظة ما ترده
يابني وبعاشور من يشع النور نحضر بالطفوف ساعة الحرب
ولحظة وقوعك اعلى الثرى يابني لو تشوفني شلون انا اضرب

بس الي عندك طلب يا الولد قبل الرحيل
خلي صدرك فوق قبوري وخنني نبضك اسمعه
موقف اوداعك صعب ناره تسعر بالدليل
الولد في قلب امه وصعب تسمع مصرعه
بوداعت الله يالولد درب السلامة وبلغ سلامي للوديعة كعبة الهيم
الله يساعدها على اركوب المهازيل والله يساعدها على اعشر محرم
يا بني اعزيزة علي ربيت ابعز ودلال
شلون من بعد المعزة تنسبي فوق الجمال
ترعى احوال الحرم وتبتلي بلم العيال
يصبر الله قلب زينب من تشوفك عالرمال
من بعد عباس البطل كافل حملها تطلع او وياها زجر يحدي ظننها
ولو جتك الحورة ابطلب في يوم اعشر تنفذ وصيتي يا عزيزي لا تردها

وسلامي للبطل راعي الشيم تقل له بت علي في ذمته
وعذره لو وقع منه العلم او صابوها بعمد في هامته
يالولد ما مثل يومك يصير جتتك تبقى فوق الوطية
بعد ما يفصلون الراس منك تجيك عشرة خيول اعوجية
على حر الثرى تبقى عفير يبعد امك بلا غسل وكفن
تضل ياروحي ابجر الهجير وراسك يحملونه وياه الظعن
فوق رأس الرمح يشهر الراس اقبال اختك واختك سبية
وليزيد الخنا وزمرة ارجاس تدخلون المجالس هدية